

**Ilay Voa Tsara Nafafy 27
Desambra 2020**

Nandeha Jesosy ka nahita mpamory hetra atao hoe Levy, nipetraka teo am-pamorian-ketra ; dia hoy Izy tamin'ny : Manaraha Ahy. Ary nahafoy ny zavatra rehetra izy ka nitsangana, dia nanaraka Azy. Lioka 5. 27, 28

(Hoy Jesosy tamin'i Petera :) Manaraha Ahy ianao.
Jaona 21. 22

Manaraka an'i Jesosy Kristy

*Afaka manaraka Anao am-piadanana izahay,
Ry Jesosy, eo amin'ny lalana feno fanetrentena
Izay nekenao hiainana,
Tsy takatry ny olona Ianao ary nolaviny ;
Miaraka aminao, tsy manana an'iza na iza,
Mamafy soa hatrany hatrany,
Eo amin'io lalana io, amirapiratan'
Ny fon'ilay Olona lavorary !*

*Soa toa inona moa no sokafan'io lalana io ho anay !
Harenam-panetrentena manao ahoana !
Andriamanitra tenany aza ao, tsy mahita
Afa-tsy fahazavana sy fahamasinana.
Ary izahay, fenon'ny fahasoavanao,
Zanak'Andriamanitra satria mino,
Dia afaka manaraka ny dianao
Ao amin'ilay fitiavanao ihany koa.*

*Na dia mihalevona aza ny herinay
Ao anatin'ny tebiteby sy ny asa mafy,
Na dia manandrana fangidiana aza izahay
Eo am-panarahana Anao, ry Mpamonjy,
Dia Ianao no banjininay
Mba hanahafanay Anao,
Mba hanehoanay taratra kely
Amin'ny maha olombelona masina Anao.*

*Fa ny lalana dia mifarana
Ao amin'io tany feno voninahitra io,
Amirapiratan'ny fahatsaranao amin'ny maha Andriamanitra Anao,
Ry Mpamonjy nandresy.
Fahasambarana tsy manam-paharoa no ao,
Hitsaoka sy homem-boninahitra izahay,
Ary hatao mitovy aminao
Ho mandrakizay !*